

# КАФИСМА СЕДМНАДЦАТАЯ

Аллилуиа, 118

<sup>1</sup> Блажéни непорóчнии в путь, ходящии в закóне Господни. <sup>2</sup> Блажéни испытáющие свидéния Его, всем сёрдцем взыщут Его, <sup>3</sup> не дéлающие бо беззакóния, в путéх Его ходиша. <sup>4</sup> Ты заповéдал еси заповеди Твоя сохрани́ти зело́. <sup>5</sup> Дабы исправи́лися пути́е мой, сохрани́ти оправдáния Твоя. <sup>6</sup> Тогда́ не постыжуся, внегда́ призрети́ ми на вся заповеди́ Твоя. <sup>7</sup> Исповёмся Тебé в правости́ сёрдца, внегда́ научи́ти ми ся судьбáм правды́ Твоея́. <sup>8</sup> Оправдáния Твоя́ сохрани́ю, не остави́ менé до зела́. <sup>9</sup> В чесóм исправи́т юнейший́ путь свой; внегда́ сохрани́ти словеса́ Твоя. <sup>10</sup> Всем сёрдцем моём́ взыска́х Тебé, не отри́ни менé от заповедей́ Твоих. <sup>11</sup> В сёрдце моём́ скрых словеса́ Твоя, я́ко да не согрешу́ Тебé. <sup>12</sup> Благословён еси́ Гóсподи: научи́ мя оправдáнием Твоим. <sup>13</sup> Устна́ма моима́ возвестих́ вся судьбы́ уст Твоих. <sup>14</sup> На пути́ свидéний Твоих наслади́хся, я́ко о вся́ком богáтстве. <sup>15</sup> В заповедех́ Твоих поглумлю́ся, и уразумею́ пути́ Твоя. <sup>16</sup> Во оправдáниях Твоих поучуся́, не забúду словес́ Твоих. <sup>17</sup> Возда́ждь рабу́ Твоему́: живи́ мя, и сохрани́ю словеса́ Твоя. <sup>18</sup> Открьи́ о́чи мой, и уразумею́ чудеса́ от закóна Твоего́. <sup>19</sup> Пришлец аз есмь на земли́: не скрйи́ от менé заповеди́ Твоя. <sup>20</sup> Возлюби́ душа́ моя́ возжелáти судьбы́ Твоя́ на вся́кое время́. <sup>21</sup> Запретил еси́ горды́м: про́кляти уклоня́ющиеся от заповедей́ Твоих. <sup>22</sup> Отыми́ от менé понос́ и уничижéние, я́ко свидéний Твоих взыска́х. <sup>23</sup> Ибо седóша князи́, и на мя клеветáху, раб же Твой глумля́шеся во оправдáниях Твоих: <sup>24</sup> Ибо свидéния Твоя́ поучéние моé есть, и совети́ мой оправдáния Твоя. <sup>25</sup> Прильпé земли́ душа́ моя́: живи́ мя по словеси́ Твоему́. <sup>26</sup> Пути́ моя́ возвестих́, и услы́шал мя еси́: научи́ мя оправдáнием Твоим: <sup>27</sup> Путь оправдáний Твоих вразуми́ ми, и поглумлю́ся в чудесéх Твоих. <sup>28</sup> Воздрема́ душа́ моя́ от уны́ния: утверди́ мя в словесéх Твоих. <sup>29</sup> Путь неправды́ отстáви от менé, и закóном Твоим помилуй́ мя. <sup>30</sup> Путь истины́ изво́лих, и судьбы́ Твоя́ не забых. <sup>31</sup> Прилепи́хся свидéнием

Твоім, Гóсподи, не посрамí менé. <sup>32</sup> Путь за́поведей Твои́х текóх, егда́ расшири́л еси́ сéрдце моé. <sup>33</sup> Законоположи́ мне, Гóсподи, путь оправдáний Твои́х, и взыщú и́ вы́ну: <sup>34</sup> Вразуми́ мя, и испыта́ю за́кон Твой, и сохраню́ и́ всем сéрдцем моим. <sup>35</sup> Настáви мя на стезю́ за́поведей Твои́х, я́ко тую́ восхотéх. <sup>36</sup> Приклони́ сéрдце моé во свидéния Твоя́, а не в лихоимство. <sup>37</sup> Отврати́ óчи мои́, éже не видети́ суеты́, в пути́ Твоём живи́ мя. <sup>38</sup> Поста́ви рабу́ Твоему́ сло́во Твоé в страх Твой. <sup>39</sup> Отыми́ поноше́ние моé, éже непщева́х: я́ко судьбы́ Твоя́ бла́ги. <sup>40</sup> Се возжелáх за́поведи Твоя́, в правде Твоей живи́ мя. <sup>41</sup> И да придет на мя ми́лость Твоя́ Гóсподи, спасéние Твоé по словеси́ Твоему́. <sup>42</sup> И отвеща́ю поноша́ющим ми сло́во: я́ко упова́х на словеса́ Твоя́. <sup>43</sup> И не отыми́ от уст мои́х словесé и́стинна до зела́, я́ко на судьбы́ Твоя́ упова́х. <sup>44</sup> И сохраню́ за́кон Твой вы́ну, в век и в век ве́ка. <sup>45</sup> И хождáх в широтé, я́ко за́поведи Твоя́ взыска́х. <sup>46</sup> И глаго́лах о свидéниях Твои́х пред царí, и не стыдýхся: <sup>47</sup> И поучáхся в за́поведех Твои́х, я́же возлюбíх зело́: <sup>48</sup> И воздвиго́х рúце мои́ к за́поведем Твоим, я́же возлюбíх, и глумля́хся во оправдáниях Твои́х. <sup>49</sup> Помяни́ словеса́ Твоя́ рабу́ Твоему́, ихже упова́ние дал ми еси́. <sup>50</sup> То мя утéши во смире́нии моём, я́ко сло́во Твоé живи́ мя. <sup>51</sup> Гóрдии законопреступова́ху до зела́: от за́кона же Твоего́ не уклони́хся. <sup>52</sup> Помяну́х судьбы́ Твоя́ от ве́ка, Гóсподи, и утéшихся. <sup>53</sup> Печáль прият мя от грéшник, оставля́ющих за́кон Твой. <sup>54</sup> Пéта бя́ху мне оправдáния Твоя́, на мéсте пришéльствия моего́. <sup>55</sup> Помяну́х в но́щи Имя Твоé, Гóсподи, и сохранíх за́кон Твой. <sup>56</sup> Сей бысть мне, я́ко оправдáний Твои́х взыска́х. <sup>57</sup> Часть моя́ еси́, Гóсподи, рех сохранíти за́кон Твой. <sup>58</sup> Помолíхся лицу́ Твоему́ всем сéрдцем моим: помíлуй мя по словеси́ Твоему́. <sup>59</sup> Помы́слих пути́ Твоя́, и возвратíх но́зе мои́ во свидéния Твоя́. <sup>60</sup> Угото́вихся и не смутíхся сохранíти за́поведи Твоя́. <sup>61</sup> Ужя́ грéшник обяза́шася мне, и за́кона Твоего́ не забы́х. <sup>62</sup> Полу́нощи воста́х исповéдатися Тебе́ о судьба́х правды Твоея́. <sup>63</sup> Прича́стник аз есмь́ всем бо́ящимся Тебе́, и храня́щим за́поведи Твоя́. <sup>64</sup> Ми́лости Твоея́, Гóсподи, исполнь́ земля́: оправдáнием Твоим научи́ мя. <sup>65</sup> Бла́гость сотвори́л еси́ с рабо́м Твоим, Гóсподи, по

словесі Твоему. <sup>66</sup> Благости, и наказанию и разуму научи мя, яко заповедем Твоим вероух. <sup>67</sup> Прежде даже не смирити ми ся, аз прегреших: сего ради слово Твое сохраних. <sup>68</sup> Благ еси Ты, Господи, и благостию Твоею научи мя оправданием Твоим. <sup>69</sup> Умножися на мя неправда гордых, аз же всем сердцем моим испытаю заповеди Твоя. <sup>70</sup> Усырися яко млеко сердце их, аз же закону Твоему поучихся. <sup>71</sup> Благо мне, яко смирил мя еси, яко да научуся оправданием Твоим. <sup>72</sup> Благ мне закон уст Твоих, паче тысяч злата и сребра.

Слава:

<sup>73</sup> Руце Твои сотворите мя, и создасте мя: вразуми мя, и научуся заповедем Твоим. <sup>74</sup> Боящиеся Тебе узрят мя и возвеселятся, яко на словеса Твоя уповах. <sup>75</sup> Разумех Господи, яко правда судьбы Твоя, и воистинну смирил мя еси. <sup>76</sup> Буди же милость Твоя, да утешит мя по словесі Твоему рабу Твоему. <sup>77</sup> Да приидут мне щедроты Твоя, и жив буду, яко закон Твой поучение мое есть. <sup>78</sup> Да постыдятся гордии, яко неправедно беззаконноваша на мя, аз же поглумлюся в заповедех Твоих. <sup>79</sup> Да обратят мя боящиеся Тебе, и ведящие свидения Твоя. <sup>80</sup> Буди сердце мое непорочно во оправданиях Твоих, яко да не постыжуся. <sup>81</sup> Исчезает во спасение Твое душа моя, на словеса Твоя уповах. <sup>82</sup> Исчезоша очи мои в слово Твое, глаголюще: когда утетиши мя; <sup>83</sup> Зане бых яко мех на слане: оправданий Твоих не забых. <sup>84</sup> Колико есть дней раба Твоего; когда сотвориши ми от гонящих мя суд; <sup>85</sup> Поведаша мне законопреступницы глумления, но не яко закон Твой, Господи. <sup>86</sup> Вся заповеди Твоя истина: неправедно погнаша мя, помози ми. <sup>87</sup> Вмале не скончаша мене на земли: аз же не оставих заповедей Твоих. <sup>88</sup> По милости Твоей живи мя, и сохраню свидения уст Твоих. <sup>89</sup> Во век, Господи, слово Твое пребывает на Небеси. <sup>90</sup> В род и род истина Твоя. Основал еси землю, и пребывает. <sup>91</sup> Учинением Твоим пребывает день, яко всяческая работна Тебе. <sup>92</sup> Яко аще бы не закон Твой поучение мое был, тогда убо погибл бых во смирении моем. <sup>93</sup> Во век не забуду оправданий Твоих, яко в них оживил мя еси.

*[Средя:]*

<sup>94</sup> Твой есмь аз, спаси мя, яко оправданий Твоих взысках. <sup>95</sup>  
Менé ждáша грéшницы погубити мя, свидéния Твоя разумéх. <sup>96</sup>  
Всякия кончины видех конéц, широка заповедь Твоя зело. <sup>97</sup>  
Коль возлюбих закон Твой, Господи, весь день поучение моё  
есть. <sup>98</sup> Пáче враг моих умудрил мя еси заповедию Твоею, яко  
в век моя есть. <sup>99</sup> Пáче всех учащих мя разумéх, яко свидéния  
Твоя поучение моё есть. <sup>100</sup> Пáче старец разумéх, яко заповеди  
Твоя взысках. <sup>101</sup> От всякаго пути лукава возбраних ногам  
моим, яко да сохраню словеса Твоя. <sup>102</sup> От судéб Твоих не  
уклонихся, яко Ты законоположил ми еси. <sup>103</sup> Коль сладка  
гортани моему словеса Твоя, пáче мёда устом моим. <sup>104</sup> От  
заповедей Твоих разумéх, сегó ради возненавидех всяк путь  
неправды. <sup>105</sup> Светильник ногама моего закон Твой, и свет  
стежам моим. <sup>106</sup> Кляхся и поставих сохранити судьбы правды  
Твоея. <sup>107</sup> Смирихся до зела, Господи, живи мя по словеси  
Твоему. <sup>108</sup> Вольная уст моих благоволи же, Господи, и судьбам  
Твоим научи мя. <sup>109</sup> Душа моя в руку Твоею вину, и закона  
Твоего не забых. <sup>110</sup> Положиша грéшницы сеть мне, и от  
заповедей Твоих не заблудих. <sup>111</sup> Наследовах свидéния Твоя во  
век, яко радование сердца моего суть. <sup>112</sup> Приклоних сердце  
моё сотворити оправдания Твоя в век за воздаяние. <sup>113</sup>  
Законопреступныя возненавидех, закон же Твой возлюбих. <sup>114</sup>  
Помощник мой и Заступник мой еси Ты, на словеса Твоя  
уповах. <sup>115</sup> Уклонитесь от менé лукавнующи, и испытаю  
заповеди Бóга моего. <sup>116</sup> Заступи мя по словеси Твоему, и жив  
буду, и не посрами менé от чаяния моего. <sup>117</sup> Помози ми, и  
спасуся, и поучуся во оправданиях Твоих вину. <sup>118</sup> Уничжил  
еси вся отступающия от оправданий Твоих, яко неправедно  
помышление их. <sup>119</sup> Преступающия непщеваях вся грéшныя  
земли, сегó ради возлюбих свидéния Твоя. <sup>120</sup> Пригвозди страху  
Твоему плóти моя, от судéб бо Твоих убояхся. <sup>121</sup> Сотворих суд  
и правду, не предаждь менé обидящим мя. <sup>122</sup> Восприими раба  
Твоего во благо, да не оклеветают менé горди. <sup>123</sup> Очи мой  
исчезóсте во спасение Твое, и в слово правды Твоея. <sup>124</sup>  
Сотвори с рабом Твоим по милости Твоей, и оправданием  
Твоим научи мя. <sup>125</sup> Раб Твой есмь аз: вразуми мя, и увём

свидѣнія Твоя. <sup>126</sup> Время сотвори́ти Го́сподеви: разори́ша зако́н Твой. <sup>127</sup> Сего́ ра́ди возлюбих за́поведи Твоя́ па́че злата́ и топа́зия. <sup>128</sup> Сего́ ра́ди ко всем за́поведем Твои́м направля́хся, всяк путь непра́вды возненави́дех. <sup>129</sup> Дивна свидѣнія Твоя́, сего́ ра́ди испытá я душа́ моя. <sup>130</sup> Явлѣние словес Твои́х просвещáет и вразумля́ет младѣнцы. <sup>131</sup> Уста́ моя́ отверзо́х, и привлеко́х дух, я́ко за́поведей Твои́х желáх.

Слава:

<sup>132</sup> При́зри на мя и поми́луй мя, по суду́ любящих и́мя Твое́. <sup>133</sup> Стопы́ моя́ напра́ви по словеси́ Твоему́, и да не облада́ет мно́ю всякое беззакóние. <sup>134</sup> Избáви мя от клеветы́ челове́ческа, и сохраню́ за́поведи Твоя́. <sup>135</sup> Лице́ Твое́ просвети́ на раба́ Твоего́, и научи́ мя оправдáнием Твои́м. <sup>136</sup> Исходи́ща водна́я изведóсте о́чи мои́, понéже не сохраних зако́на Твоего́. <sup>137</sup> Пра́веден еси́, Го́споди, и пра́ви суди́ Твои́. <sup>138</sup> Запове́дал еси́ пра́вду свидѣнія Твоя́ и и́стину зело́. <sup>139</sup> Иста́яла мя есть ре́вность Твоя́, я́ко забы́ша словеса́ Твоя́ врази́ мои́. <sup>140</sup> Разжже́но сло́во Твое́ зело́, и раб Твой возлюбí е. <sup>141</sup> Юне́йший аз есмь и уничи́жен, оправдáний Твои́х не забы́х. <sup>142</sup> Пра́вда Твоя́ пра́вда во век, и зако́н Твой и́стина. <sup>143</sup> Ско́рби и ну́жды обрето́ша мя, за́поведи Твоя́ поучѣние мое́. <sup>144</sup> Пра́вда свидѣнія Твоя́ в век, вразуми́ мя, и жив б́уду. <sup>145</sup> Воззва́х всем се́рдцем мои́м, услы́ши мя, Го́споди, оправдáния Твоя́ взыщу́. <sup>146</sup> Воззва́х Ти, спаси́ мя, и сохраню́ свидѣнія Твоя́. <sup>147</sup> Предварих в безгóдии и воззва́х, на словеса́ Твоя́ упова́х. <sup>148</sup> Предвари́сте о́чи мои́ ко́ утро, поучи́тися словесѣм Твои́м. <sup>149</sup> Глас мой услы́ши, Го́споди, по ми́лости Твое́й: по судьбе́ Твое́й живи́ мя. <sup>150</sup> Прибл́изи́шася гоня́щии мя беззакóнием, от зако́на же Твоего́ удали́шася. <sup>151</sup> Близ еси́ Ты, Го́споди, и вси пути́е Твои́ и́стина. <sup>152</sup> Испѣ́рва позна́х от свидѣ́ний Твои́х, я́ко в век основáл я еси́. <sup>153</sup> Виждь смире́ние мое́ и изми́ мя, я́ко зако́на Твоего́ не забы́х. <sup>154</sup> Суди́ суд мой и избáви мя, словесѣ́ ра́ди Твоего́ живи́ мя. <sup>155</sup> Далéче от грѣшник спасѣ́ние, я́ко оправдáний Твои́х не взыска́ша. <sup>156</sup> Щедрóты Твоя́ мно́ги, Го́споди, по судьбе́ Твое́й живи́ мя. <sup>157</sup> Мно́зи изгоня́щии мя и стужáющии ми, от свидѣ́ний Твои́х не уклони́хся. <sup>158</sup> Видѣх

неразумевающия и истаях, яко словес Твоих не сохраниша. <sup>159</sup>  
Виждь, яко заповеди Твоя возлюбих, Господи, по милости  
Твоей живи мя. <sup>160</sup> Начало словес Твоих истина, и во век вся  
судьбы правды Твоея. <sup>161</sup> Князи погнаша мя туне, и от словес  
Твоих убоюсь сердце мое. <sup>162</sup> Возрадуюся аз о словесех Твоих,  
яко обретаяй корысть многу. <sup>163</sup> Неправду возненавидех и  
омерзих, закон же Твой возлюбих. <sup>164</sup> Седмерицею днем хвалих  
Тя о судьбах правды Твоея. <sup>165</sup> Мир мног любящим закон Твой,  
и несть им соблазна. <sup>166</sup> Чаях спасения Твоего, Господи, и  
заповеди Твоя возлюбих. <sup>167</sup> Сохрани душа моя свидения Твоя и  
возлюби я зело. <sup>168</sup> Сохраних заповеди Твоя и свидения Твоя,  
яко вси путие мой пред Тобою, Господи. <sup>169</sup> Да приблизится  
моление мое пред Тя, Господи, по словеси Твоему вразуми мя.  
<sup>170</sup> Да внидет прошение мое пред Тя, Господи, по словеси  
Твоему избави мя. <sup>171</sup> Отрыгнут устне мой пение, егда научиши  
мя оправданием Твоим. <sup>172</sup> Провещает язык мой словеса Твоя,  
яко вся заповеди Твоя правда. <sup>173</sup> Да будет рука Твоя еже  
спасти мя, яко заповеди Твоя изволих. <sup>174</sup> Возжелалх спасение  
Твое, Господи, и закон Твой поучение мое есть. <sup>175</sup> Жива будет  
душа моя и восхвалит Тя, и судьбы Твоя помогут мне. <sup>176</sup>  
Заблудих, яко овча погнбшее, взыщи раба Твоего, яко  
заповедей Твоих не забых.

Слава:

**По 17-й кафисме. Трисвятое.**

*Таже тропари, глас 2:* Согреших к Тебе, Спасе, яко блудный сын:  
приими мя, Отче, кающагося, и помилуй мя, Боже.

*Слава:* Зову к Тебе, Христе Спасе, мытаревым гласом: очисти  
мя якоже онаго и помилуй мя, Боже.

*И ныне:* Богородице, не презри мя требующа заступления  
Твоего: на Тя бо упова душа моя, и помилуй мя.

Господи, помилуй (40) и молитва:

Владыко Господи Вседержителю и Творче всех, щедрот Отец,  
и милости Бог, от земли Создавый человека, и показавый его  
по образу Твоему и по подобию, да и тем прославится  
великолепное имя Твое на земли, и исторгнена убо  
преступлением Твоих заповедей, паки на лучшее возсздавый

его во Христѣ Твоѣм, и возведый на Небеса: благодарю Тя, яко умножил еси на мне величие Твое, и не предал мя еси врагом моим в конец, исторгнути мя ищущим в пропасть адову, ниже оставил мя еси погибнути со беззаконии моими. Ныне убо, Многомилостиве и Любоблаже Господи, не хотяй смерти грешнаго, но обращения ожидаай, и приемляй: иже низверженныя исправляй, сокрушенныя исцеляй, обрати и мене к покаянию, и низверженнаго исправи, и сокрушеннаго исцели: помяни Твоя щедроты, и яже от века Твою непостижимую благодать и моя безмерная забуди беззакония, яже делом и словом, и мыслию соверших: разреши ослепление сердца моего, и даждь ми слезы умиления на очищение скверны мысли моея. Услыши, Господи, вонми, Человеколюбче, очисти, Благоутробне, и от мучительства во мне царствующих страстей окаянную мою душу свободи. И не кому да содержит мя грех, ниже да возможет на мя боритель демон, ниже к своему хотению да ведет мя, но державною Твоею рукою, его владычества исхитивый мя, Ты царствуй во мне, Благий и Человеколюбивый Господи, и всего Твоего быти, и жити мне прочее по Твоей благоволи воли. И подаждь ми неизреченную благодатью сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благодать, кротость, веру нелицемерну, воздержание обдержательное, и всех мя благих плодов исполни, дарованием Святого Твоего Духа. И не возведи мене в преполовение, дней моих, ниже неисправлену и неготову душу мою восхитиши, но соверши мя Твоим совершенством, и тако мя настоящего жития изведи, яко да невозбранно прошед начала и власти тьмы, Твоею благодатью узрю и аз неприступныя Твоея славы доброту неизреченную, со всеми святыми Твоими, в нихже освятися, и прославися всечестное и великолепое имя Твое, Отца и Сына и Святого Духа, ныне и присно, и во веки веков, аминь.